

## OBRAZAC NAMJENJEN ZA ANGAŽMAN IZ PENZIJE

Obrazac 1a.

.....  
(ime i prezime).....  
(adresa stanovanja i telefon)

Pod punom krivičnom, moralnom i materijalnom odgovornošću dajem slijedeću:

## I Z J A V U

Ja, \_\_\_\_\_ u svrhu provođenja procedure na osnovu člana 14.

/ime, očevo ime i prezime/

stav (5) Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj: \_\_\_\_\_), izjavljujem:

- da sam saglasan/na da se koriste i obrađuju moji lični podaci, informacije i dokumentacija u svrhu provođenja konkursne procedure i zaključenja ugovora o radu;
- da sam saglasan/na da se cjelokupna komunikacija i informisanje realizira na aplikativnom rješenju te da se prijem svih obavijesti i dokumenata dostavlja putem e-mail-a i
- da sam lice koje je ostvarilo pravo na penziju odnosno da ću ostvariti to pravo do 01.09. tekuće godine.

U \_\_\_\_\_, dana \_\_\_\_\_, godine

Izjavu dao/la \_\_\_\_\_

Lična karta broj: \_\_\_\_\_

*Napomena: Obrazac popunjava aplikant/kandidat***PROGRAM  
SUFINANSIRANJA BORAVKA DJECE PREDŠKOLSKE  
DOBI U PRIVATNIM PREDŠKOLSKIM USTANOVAMA  
NA PODRUČJU KANTONA SARAJEVO U ŠKOLSKOJ  
2026/27. GODINI****Osnov za donošenje, izvor finansiranja i nosioci realizacije  
Programa**

- U skladu sa čl. 3. i 7. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08, 21/09, 33/21 i 31/22), u daljem tekstu: Zakon, sačinjen je Program sufinansiranja boravka djece predškolske dobi u privatnim predškolskim ustanovama na području Kantona Sarajevo. Za ovu namjenu u Budžetu Kantona Sarajevo za 2026. godinu odobrena su sredstva u iznosu od 17.000.000 KM.
- Za realizaciju programa iz tačke 1. ovog dokumenta zadužuje se Ministarstvo za odgoj i obrazovanje Kantona Sarajevo.

**Cilj programa**

Program, kao pronatalitetna politika Vlade Kantona Sarajevo, radi obuhvata što većeg broja djece predškolskim odgojem i obrazovanjem, usmjerena je na dobrobit djeteta i podizanje standarda porodice djeteta predškolskog uzrasta, a time posredno i na obezbjeđivanje prilike za zapošljavanje žene/majke djeteta.

U skladu sa odredbama Zakona, predškolski odgoj i obrazovanje je prvi, poseban i specifičan dio obrazovnog sistema

koji se bavi odgojem i obrazovanjem, ranom rehabilitacijom i resocijalizacijom, njegom i zaštitom djece predškolske dobi i predstavlja djelatnost od posebnog interesa. Uključivanjem djece predškolske dobi u predškolski odgoj i obrazovanje stvaraju se pretpostavke za postizanje boljih rezultata u toku školovanja djece, a samim time i uspješniju integraciju u zajednicu. Djeca koja su pohađala predškolski odgoj i obrazovanje u pravilu, na svim nivoima takmičenja postižu bolje rezultate, kao i na međunarodnim obrazovnim istraživanjima znanja i kompetencija učenika dobi do 15 godine PISA, međunarodno istraživanje o razvoju čitalačke pismenosti PIRLS, ili međunarodna studija o učeničkim postignućima u nastavi matematika i nauke TIMSS itd.

Ulaganje u predškolski odgoj i obrazovanje, prema izvršenim istraživanjima, ima pozitivan uticaj na smanjenje budućih javnih izdataka za socijalnu zaštitu. Na ovaj način nastoji se pomoći i porodicama u stanju socijalne potrebe i porodicama sa niskim mjesečnim primanjima koje do sada nisu mogli finansirati boravak svoje djece u predškolskim ustanovama. Sufinansiranjem boravka djece u privatnim predškolskim ustanovama udaraju se temelji za obrazovanje dostupno svima.

**Online upis**

Za upis djece u predškolske ustanove razvijena je web modul predškolsko, u sklopu sistema EMIS, putem koje roditelji svoju djecu registriraju i upisuju u predškolske ustanove iz svojih domova bez potrebe da obilaze predškolske ustanove i tako gube dragocjeno vrijeme i sredstva.

U odnosu na upis djece u predškolske ustanove prije uvođenja online upisa otišao se i korak dalje u pogledu kontinuiranog upisa djece u predškolske ustanove. Ranija praksa je bila da su se djeca predškolskog uzrasta u predškolsku ustanovu JU "Djeca Sarajeva" upisivala dva puta na osnovu javnih poziva koje je raspisivala JU "Djeca Sarajeva", a u privatne predškolske ustanove, djeca su se upisivala u toku cijele školske godine. Za upis djece u vrtiće JU "Djeca Sarajeva" bila je formirana tzv. Lista čekanja na kojoj je bio veliki broj djece koja su čekala na upis. Uvođenjem online upisa i donošenjem odluke o sufinansiranju boravka djece predškolske dobi u privatnim predškolskim ustanovama, Lista čekanja je ukinuta, a djeca se, u toku školske godine periodično upisuju u predškolske ustanove u skladu sa brojem slobodnih mjesta u odgojnim grupama, a prema Pedagoškim standardima i normativima za predškolski odgoj i obrazovanje.

U školskoj 2026/27. godini, upis djece u predškolske ustanove vršit će se u upisnim rokovima, koji se definišu Instrukcijom o upisu djece u predškolske ustanove u školskoj 2026/2027. godini (u daljem tekstu: Instrukcija) koju donosi Ministarstvo za odgoj i obrazovanje (u daljem tekstu: Ministarstvo). Instrukcijom će se definisati svi uslovi koje porodica/dijete treba da ispune za upis u predškolski odgoj, svi koraci koje je potrebno provesti u procesu upisa djece u predškolske ustanove, kao i kriteriji za bodovanje. Instrukcija će se učiniti dostupnom svim zainteresiranim stranama putem web stranice Ministarstva i ista će biti dostavljena na postupanje svim predškolskim ustanovama u Kantonu Sarajevo.

**Ciljna grupa**

Program sufinansiranja boravka djece u privatnim predškolskim ustanovama obuhvata djecu od šest mjeseci do polaska u školu za Cjeloviti razvojni program, a što je definisano Zakonom. Upis djece u odgojne grupe će se obavljati u skladu sa

uzrastom koji je definisan Pedagoškim standardima i normativima za djelatnost predškolskog odgoja i obrazovanja. Korisnici ovog Programa su porodice/djeca predškolskog uzrasta, državljani Bosne i Hercegovine, sa adresom stalnog boravka na području Kantona Sarajevo.

Strani državljani nisu korisnici ovog programa.

Okvirni broj korisnika sufinansiranja je oko 5000 djece/podrođica.

#### **Način i uslovi sufinansiranja**

Sufinansiranje boravka djece u privatnim predškolskim ustanovama vrši se na osnovu ugovora o sufinansiranju koji Ministarstvo potpiše sa privatnim predškolskim ustanovama upisanim u Registar predškolskih ustanova koje vodi Ministarstvo. Privatne predškolske ustanove potpisuju Ugovor o boravku sa roditeljima/starateljima djece upisane putem sistema EMIS-predškolsko u privatnu predškolsku ustanovu.

Sufinansiranje će se vršiti isključivo u onim privatnim predškolskim ustanovama čije je povećanje cijena za školsku 2026/2027. godinu u odnosu na cijenu boravka jednog djeteta u školskoj 2025/2026. godini, kako slijedi:

- Za predškolske ustanove u kojima je cijena boravka po jednom djetetu u školskoj 2025/2026. godini bila do 400,00 KM, maksimalno povećanje cijena za školsku 2026/2027. godinu je do 10% povećanja cijene.
- Za predškolske ustanove u kojima je cijena boravka po jednom djetetu u školskoj 2025/2026. godini bila od 401,00KM do 600,00 KM, maksimalno povećanje cijena za školsku 2026/2027. godinu je do 5% povećanja cijene.
- Za predškolske ustanove u kojima je cijena boravka po jednom djetetu u školskoj 2025/2026. godini bila preko 600,00 KM, maksimalno povećanje cijena za školsku 2026/2027. godinu je do 3% povećanja cijene.

#### **Iznos i uvjeti sufinansiranja**

Sufinansiranje u iznosu od 235,00 KM mjesečno, ostvaruju djeca koja koriste usluge cjelodnevnog boravka i 120,00 KM mjesečno, djeca koja koriste usluge poludnevnog boravka u privatnim predškolskim ustanovama.

Sufinansiranje boravka u privatnoj predškolskoj ustanovi za porodice sa troje i više djece, za svako dijete, ukoliko dvoje djece već pohađa predškolsku ustanovu iznosi za cjelodnevni boravak 300,00 KM mjesečno i 150,00 KM ostvaruju djeca koja koriste usluge poludnevnog boravka u privatnim predškolskim ustanovama.

Sufinansiranje boravka u privatnoj predškolskoj ustanovi za porodice sa troje i više djece, za treće i svako naredno dijete, ukoliko dvoje djece iz iste porodice već pohađa predškolsku ustanovu je besplatno.

Sufinansiranje boravka u predškolskoj ustanovi za treće i svako naredno dijete iz porodica s troje ili više djece iznosi 80%, bez obzira da li prvo i drugo dijete pohađa predškolsku ustanovu.

Broj korisnika na mjesečnom nivou je promjenljiv, uzimajući u obzir da roditelji djecu upisuju i ispisuju kontinuirano u toku cijele godine.

Sufinansiranje boravka djece u privatnim predškolskim ustanovama vrši se isključivo uz uvjet da roditelji blagovremeno izvršavaju svoje finansijske obaveze prema predškolskim

ustanovama. Praćenje izvršavanja finansijskih obaveza roditelja vrši se putem sistema EMIS-predškolsko.

Ukoliko privatna predškolska ustanova, bez saglasnosti Ministarstva poveća cijenu boravka djece u predškolskoj ustanovi propisanu ovim programom ili poveća cijenu boravka djece u predškolskoj ustanovi više od procenta propisanog ovim Programom, Ministarstvo će raskinuti ugovor o sufinansiranju sa tom privatnom predškolskom ustanovom.

Ukoliko predškolska ustanova upiše dijete izvan sistema EMIS-predškolsko, Ministarstvo će pokrenuti procedure pismenog upozoravanja i eventualnog raskida ugovora.

Ministarstvo vrši procjenu opravdanosti zahtjeva za povećanje cijene boravka djece u predškolskim ustanovama i na osnovu toga izdaje ili ne izdaje saglasnost za povećanje.

Sufinansiranje boravka djece u privatnim predškolskim ustanovama vrši se za period od 01. septembra 2026. godine, do 30. augusta 2027. godine.

U mjesecu augustu 2026. godine sufinansiranje po djetetu umanjuje se za 50% u odnosu na ostale mjesece u godini.

#### **Priprema za realizaciju Programa**

Online upis u predškolske ustanove, vršit će se na osnovu Instrukcije putem sistema EMIS-predškolsko u skladu sa Zakonom.

#### **Proces registracije, prijave i upisa djece u predškolske ustanove**

Roditelji će, kao i u prethodnim školskim godinama, registraciju djece za upis u predškolske ustanove vršiti putem web stranice: <https://predskolsko.emis.edu.ba>. U predviđeni obrazac roditelji unose potrebne osnovne podatke o djetetu i porodici, a u skladu sa Instrukcijom. Instrukcijom se definišu svi koraci u procesu upisa djeteta u predškolsku ustanovu, te proces sufinansiranja boravka djece u privatnim predškolskim ustanovama.

#### **Provjera i obrada pristiglih prijava/zahtjeva**

Ministarstvo će putem sistema EMIS-predškolsko imati dostupne sve potrebe informacije o ispunjavanju uvjeta koji su predviđeni ovim programom. S obzirom da su u sistemu generirani ugovori između roditelja i predškolskih ustanova, EMIS odgovorne osobe u predškolskim ustanovama će, nakon potpisivanja istih, imati obavezu njihovog dodavanja u sistem. Predškolske ustanove su dužne postupati u skladu sa odredbama Instrukcije, te svako postupanje u suprotnosti sa odredbama Instrukcije može biti povod raskida Ugovora između Ministarstva i privatne predškolske ustanove.

#### **Opće napomene**

U pogledu zaključivanja, trajanja i raskida ugovora primjenjuju se sljedeća pravila:

1. EMIS odgovorne osobe u predškolskim ustanovama unose podatke u vezi sa finansijskim obavezama roditelja;
2. Ukoliko roditelj ne izvršava svoje finansijske obaveze, sistem automatski šalje upozorenja o mogućem prekidu ugovora;
3. Ukoliko roditelj ne izvrši finansijske obaveze u predviđenom roku, sistem automatski prekida ugovor sa roditeljima, gdje se mjesto djeteta roditelja sa kojim je raskinut ugovor u sistemu EMIS-predškolsko prikazuje kao upražnjeno, te se ukida sufinansiranje za dijete;

4. U slučaju da dijete neredovno pohađa predškolski odgoj i obrazovanje privatna predškolska ustanova je obavezna odmah o tim promjenama izvijestiti Ministarstvo;
5. Ukoliko dijete neopravdano ne pohađa predškolski odgoj i obrazovanje duže od 30 dana, predškolska ustanova je dužna izvršiti ispis djeteta iz predškolske ustanove;
6. Ukoliko se roditelji djeteta opredijele da dijete, umjesto cjelodnevnog boravka pohađa poludnevni boravak, obaveza predškolske ustanove je da tu promjenu odmah, putem sistema EMIS-predškolsko prijavi Ministarstvu;
7. Predškolske ustanove su dužne da sve promjene koje se tiču umanjenja sufinansiranja boravka djece u predškolskim ustanovama odmah prijave Ministarstvu i u takvim situacijama se ne sačinjavaju aneksi ugovora (izostanci djece više od 15 dana u jednom mjesecu ili više mjeseci u toku godine, promjena vremena boravka djece u vrtiću – sa cjelodnevnog na poludnevni boravak);
8. Saglasnost za uvećanje cijene boravka djeteta u predškolskoj ustanovi u okviru navedenom u ovom dokumentu, daje Ministarstvo;
9. Roditelj se može odreći sufinansiranja boravka svog djeteta u privatnoj predškolskoj ustanovi uz potpisivanje izjave ovjerene kod nadležnog općinskog organa i istu dostavlja predškolskoj ustanovi koju njegovo dijete pohađa.

#### Kontrola i praćenje izvršenja ugovorenih obaveza

Monitoring i kontrola realizacije ovog programa vršit će se u skladu sa posebno sačinjenim planom, a izvještaj o monitoringu i kontroli će sadržavati sljedeće podatke:

1. Ulazni podaci;
2. Podaci o broju djece koja pohađaju predškolske ustanove;
3. Opis programa (uvjeti, ciljna grupa, korisnici, visina sufinansiranja, period trajanja sufinansiranja, elementi javnog poziva);
4. Iznos ukupno planiranih i utrošenih sredstava za realizaciju Programa;
5. Aktivnosti vezane za javni poziv (objava, provjera prijave, zaključivanje ugovora i sl.);
6. Broj zaključenih Ugovora sa privatnim predškolskim ustanovama;
7. Broj djece za koja se vrši sufinansiranje u privatnim predškolskim ustanovama;
8. Uzrasna struktura djece obuhvaćene ovim programom;
9. Podaci o učincima ovog programa;
10. Nivo izvršenih postavljenih ciljeva;
11. Ispitivanje zadovoljstva roditelja kroz anketiranje koje će se izvršiti metodom slučajnog uzorka u skladu sa mogućnostima.

Broj 11-04-34-6650-3/26  
13. aprila 2026. godine  
Sarajevo

Ministrica  
**Naida Hota-Muminović, s. r.**

### OPĆINA ILIJAŠ

#### Općinsko vijeće

Na osnovu člana 21. stav 4. , člana 25. stav 8. i člana 39. stav 1.i 2. Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) te člana 23. i 55. Statuta Općine Ilijaš ("Službene novine Kantona Sarajevo", broj 20/09 i 46/18), Općinsko vijeće Ilijaš je, na sjednici održanoj 13.04.2026. godine , donijelo

#### ODLUKU

### O USVAJANJU IZMJENA I DOPUNA REGULACIONOG PLANA "BANOVAČ" - POSLOVNI OBJEKAT I PARKING NA K.Č. 31, 32/1 I 32/2 K.O. ILIJAŠ GRAD

#### Član 1.

Usvajaju se Izmjene i dopune Regulacionog plana "Banovac" (u daljem tekstu: Plan).

#### Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluku o provođenju Izmjena i dopuna Regulacionog plana
- Tekstualni dio Plana.

Grafički dio sadrži:

1. Fazu-Urbanizam prezentiranu na odgovarajućem broju tematskih karata i to:
  - karta 1. - Izvod iz Regulacionog plana
  - karta 2. - Ažurna geodetska podloga
  - karta 3. - Inženjersko-geološka karta
  - karta 4. - Postojeće stanje
  - karta 5. - Posjedovno stanje
  - karta 6. - Planirana namjena površina
  - karta 7. - Urbanističko rješenje – Namjena, spratnost i razmještaj objekata
  - karta 8. - Mreža regulacionih i građevinskih linija
  - karta 9. - Odnos prema postojećem građevinskom fondu- karta rušenja
  - karta 10. - Analitička obrada građevinskih parcela
2. Faze- saobraćajna i komunalna infrastruktura:
  - karta 11. -Idejno rješenje hortikulture
  - karta 12. - Idejno rješenje saobraćaja
  - karta 13. - Idejno rješenje snabdijevanja vodom i odvodnje otp. i oborin. voda,
  - karta 14. - Idejno rješenje elektroenergetike
  - karta 15. - Idejno rješenje energetike
  - karta 16. - Idejno rješenje TK mreže

#### Član 3.

Idejna rješenja faza saobraćaja, snabdijevanja vodom i odvodnje otpadnih i oborinskih voda, energetike, elektroenergetike i javne rasvjete, TK mreže i hortikulture su sastavni dio ovog Plana.

#### Član 4.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Ilijaš i Zavodu za planiranje razvoja Kantona Sarajevo.